

## Riassuntu

### Ciculu 3

#### Ogettivu :

Sapè di d'una manera sintetica è cù parolle ancu sfarente di u testu originale un racontu intesu è capitu

#### Sbucinera:

1. Travagliu cullettivu à bocca

U maestru dumanda à i zitelli du racuntà à l'accorta a storia di Cappuccinella Rossa. Ci vole à falli aduprà e parolle è e strutture acquistate, à falli rispettà a crunulugia di u racontu è ancu u tempu di u racontu.

2. Travagliu cullettivu scrittu

Ogni frasa pruposta hè scritta à u tavulone da un zitellu o da u maestru. Si rileghje u scrittu è si portanu i zitelli à fa rimarche per accuncià u riassuntu.

#### Pruposta d'un riassuntu

*Tempi fà, una mamma mandò a so zitelluccia, chjamata Cappuccinella Rossa, à purtà una micchetta è un vasettu di butiru à a so mammone malata chì stava al dilà di a furesta.*

*Strada facendu, scuntrò un lupu chì a si vulia manghjà. L'animale si misse à corre per ghjunghje u primu ind'è a mamonne. Tempu ghjuntu si la manghjò po si vestì cù i so panni è si sciaccò in lettu. Quand'ella affaccò a zitella, fù anch'ella manghjata da u lupu.*

*Per furtuna, un cacciadore, sentendu i lagni, entrò in casa, tumbò u lupu è liberò a mamonne è a so figliulina.*